

240.119
942
1

紹興地志述略

編輯大意

- 一、本書以紹興山川道里。向無紀載專書。故輯是篇。以供鄉土之參考。
- 二、本書分十六章。就地志上之扼要者約略述之。故曰紹興地志述略。
- 三、本書爲閱者便於記憶起見。故取材特簡。
- 四、本書以會稽多佳山水著名。故山水名勝之關於古跡者。取材比較稍詳。兼備覽勝之用。
- 五、本書於各地之距離。仍以離城若干里計者。係就其地所在方向之城郭爲標準而已。而城制則已久廢。諒不以詞混意。
- 六、本書之街市圖。其機關團體名稱。因限於篇幅。故用編號對照。
- 七、本書因編者個人智識有限。漏誤之處。在所難免。並希閱者隨時指正。

目錄

緒言

- 第一章 沿革
- 第二章 疆界
- 第三章 形勝
- 第四章 山川
- 第五章 水利
- 第六章 城址
- 第七章 衢路
- 第八章 鄉路
- 第九章 本縣區域之編劃
- 第十章 鎮里鄉村之參考
- 第十一章 四鄉水陸要道

紹興地志述略

- 第十二章 鄉鎮與城之距離
- 第十三章 交通
- 第十四章 紀念地及名勝古跡
- 第十五章 物產
- 第十六章 風俗

緒言

越爲浙東勝境。湖有鏡水之秀。山有會稽之雄。大好風光。應有紀述。幼不才。奚敢置其辭。然生長本鄉。於鄉之山川道里。往賢陳跡。自宜具相當之常識。爰加探討。輯爲是書。以求正於邦人。而遐方賢達。作會稽遊者。手此一篇。其亦恕其拙而採其俗乎。則幼之幸矣。

第一章 沿革

紹興爲古荒服之國。禹平水土。制九州。遂劃在揚州之域。禹東巡狩。會諸侯於國之苗山。以計功。始更名其山曰會稽。會稽者。會計也。後少康封庶子於會稽。以奉守禹祀。號曰於越。傳二十餘世。至於勾踐。是爲越王。傳六世。爲楚所併。洎秦漢代興。置會稽郡。至隋廢郡制。改爲吳州。大業初。改越州。後復爲會稽郡。唐乾元中。其地置浙江東道節度觀察等使。唐末。封錢鏐爲吳越國王。至晉時。錢元瓘始奏置新昌。并會稽。山陰。諸暨。剡。餘姚。蕭山。上虞。而八也。宋仍改越州。領縣如故。宣和中。易剡曰嵊。建炎三年。高宗自杭州如越。明年。改元紹興。始升爲紹興府。元仍其地名。紹興路。明洪武二年。復名紹興府。清代因之。至民國光復。廢府治。合山陰。會稽兩地。曰紹興縣。遂成今名。

第二章 疆界

紹興爲浙東繁衝之縣。合舊山會兩縣之地。面積約一百二十方里。西北界蕭山。西南界諸暨。東界上虞。南界嵊縣。西南多山。東北瀕海。故地勢西南高而東北低。西小江在其西。曹娥江在其東。運河自蕭山境來。橫貫以達上虞。全縣劃自治區域爲十區。而教育。警察。清鄉。劃區均同。

紹興地志述略

之。第一區爲舊城區及附郭。第二區爲皋埠區。第三區爲東關區。第四區爲湯浦區。第五區爲平水區。第六區爲漓渚區。第七區爲臨浦區。即山頭埠區。第八區爲柯橋區。第九區爲安昌區。第十區爲孫豔區。以上第二區至第十區。各就其鄰近之各鄉村屬之。當於第九章詳列其區域之編劃。合計之。則爲七十二鄉。四百九十八村。上年辦理土地陳報。全縣劃作十五區。而鄉村市鎮名稱。亦有所更改。近則自治行政。概作十區爲標準矣。就地理上之位置言。則第一、二、三、八、十區爲平原。第四、五、六區爲山地。第七、九區則憑江臨海。全縣戶數二十四萬。人口一百二十七萬。強務農者佔百分之七十。每年可徵地丁銀十三萬三千六百二十五兩。但歷屆實徵之數。統扯不過七成左右。

第三章 形勝

越自勾踐生聚教訓。竟滅強吳。續五霸。二孫據江東。俱自領會稽太守。晉東渡之初。三吳豪蓋。請都會稽。五代之亂。錢氏據兩浙。越獨爲完州。南宋都臨安。則紹興爲股肱郡。明置海防諸軍。紹興實益其抗。近來東西公路交通。滬杭甬鐵路積極籌築。紹興尤爲東西來往之要道。一統志稱縣城之勝。謂鑑水環其前。臥龍擁其後。稽山出其東。秦望直其南。自浙以東。最爲勝境。

第四章 山川

本縣諸山。南從朱華峰起頂。北來分三支。一支自大亭山入。爲臥龍。一支自小亭山。外山入。爲飛來峰。一支自禹陵入。爲叢山。南新志曰。天下之山。祖於崑崙。其分支於岷山者。爲南條之宗。掖江漢之流。奔馳數千里。歷衡逾邠。包絡甌閩。而東赴於海。又折而北。以盡於會稽。故會稽爲南鎮。鎮止也。南條諸山所止也。越郡正當會稽諸山之中。郡城之外。萬峰回合。若連雉環戟。而中涵八山。八山者。又會稽諸山之所止。(中略)亦越中諸水之關也。百源之流。皆來萃於八山之間。停演璇伏。然後合流而北。以出於陸壘。故八山又越中諸水之所會。今將本縣諸山摘要分誌於左。

臥龍山 舊名種山。越大夫種所葬處。現已闢爲中山公園。

火珠山 在臥龍山東隅。與龍山首相對。舊有稽山關。今廢。

峨眉山 在火珠下百餘步。石隱起土中。狀如娥眉。有娥眉庵。

龜山 在臥龍南三里。遠望似龜形。一名飛來山。又名怪山。又名寶林山。爲勾踐所起遊臺也。上有塔名應天。即塔山。

紹興地志述略

鮑郎山 一名陽堂山。在臥龍南三里許。

叢山 在臥龍東北三里許。昔產叢。越王勾踐嘗採食之。晉王羲之宅在焉。又名王家山。山西有右軍祠。後爲戒珠寺。亦名戒珠山。今縣一校在此。

白馬山 在叢山東南一里許。

彭山 在白馬山東。舊經曰。彭祖隱居之地。

註。以上即城中八山。

亭山 在城南十里。山形獨立如亭。故名。明胡大海攻城。常駐兵於此。

賴山 在城西南六里。以近城。勾踐樵採賴之。今俗呼外山。

絹山 在城南六里。石紋如疊絹。

龍尾山 在城西南二十里。與臥龍山首尾相望。故名龍尾山。

峽山 在城西南二十里。兩山夾水。村人自號雙山。又曰兩山。

項里山 在城西南二十里。山下地名項里。昔項梁與籍居此。

容山 在城西南二十七里。其上平曠可容。故名。

蘭渚山 在城西南二十七里。勾踐樹蘭於此。北流爲蘭亭溪。晉王羲之等四十二人修禊處。

玉架山 在城西南三十三里。三峯如筆格。秀麗如畫。

銅井山 在城西南七十里。有潭曰龍井。其色正黃若銅。

瀉渚山 在城西南三十里。有謝尚書塢。

柯山 在城西南三十餘里。山皆石。東有石佛。高五丈餘。

馬鞍山 在城西北四十里。狀如馬鞍。唐天寶間。改名人安山。

下方山 在城西北四十里。有下方寺。

塗山 在城西北四十五里。一考在城東南十里。禹會萬國之所。山麓有斬將臺。有

石船長丈。云禹所乘。宋元嘉中於船側掘得鐵履一雙。梁初。又掘得青玉印。

碧山 在城西北四十餘里。石色碧潤。四時不易。一名黨山。北有洞。極深奧。

巫山 在城北十五里。一名梅山。爲漢梅福隱居之所。

下馬山 在城北二十五里。秦始皇東巡。息駕於此。

大峰山 在城北三十五里。有石洞曰風洞。俗曰駝峯山。

禹山 在城北三十里。大禹曾駐蹕於此。

石城山 在城北三十里。吳越王錢鏐討董昌。攻石城。去越三十里。即此。

會稽山 在城東南十二里。有大禹陵。

宛委山 在城東南十五里。山上有石簣。壁立干雲。

秦望山 在城南四十里。秦始皇登之。以望東海。

刻石山 在城西南五十里。一名鵝鼻。以秦始皇刻石其上。故名。有洞亦曰風洞。遇風雨

聞鼓樂聲。

望秦山 在城東南三十五里。與秦望山相接。始皇登之。以望秦中者也。一名天柱峰。

雲門山 在城南三十里。晉王羲之居此。

何山 在城東南四十七里。南宋何胤所居。王十朋謂秦刻石在其上。

若耶山 在城南四十四里。下有採蓮田。東又有若耶嶺。下復有潭。潭上有葛仙石。

赤菴山 在城東三十里。歐冶子爲越王鑄劍之所。

射的山 在城南十五里。遠望山的狀若射候。故謂射的山。是有酒甕石。三石品峙。其狀若甕。

石旗山 與射的山相連。形如張旗。旁有石室。宋建炎中。士大夫避地於此。

石帆山 在城東十五里。山東北有孤石。望之如帆。

葛山 在城東十里。勾踐種葛於此山。使越女治以爲布。獻吳王。

箬簣山 在城東十二里。秦始皇東遊。於此供芻草。俗呼遶門山。

少微山 在城東十里。箬簣山北。宋職方郎齊唐隱居處。

土城山 在城東六里。少微山西北。越王作土城以貯西施。故亦名西施山。今五雲門外。

有土城村西施里。

寶山 在城東南二十五里。一名上皋山。山峴有趙家嶼。即南宋攢宮地也。

錫山 在城東五十里。越王採錫於此。

跳山 在城東三十五里。俗傳錢王鏐微時。販鹽遇官兵。跳避此山。石壁書大吉字。並指腳跡俱存。

銀山 在城東五十里。無草木。產銀沙。

鷄山 在城東南六十里。勾踐畜鷄。將伐吳。以食士也。

諸葛山 在城東南六十里。葛洪嘗棲於此。爲會稽第一山。

舜山 在城東南四十里。俗傳大舜遊憩於此。

豐山 在城東北六十里。錢鏐王曾屯兵於此。

稱山 在城東六十里。越王稱炭鑄劍於此。俗呼稱心山。

鄭弘山 在城東三十里。以漢太尉弘名。

稷山 在城東五十里。舊名穢山。越王種菜於此。

犬山 在城東南三十里。勾踐畜犬。獵南山白鹿。欲以獻吳。故曰犬山。其亭爲犬亭。歲久相延。呼爲狗山。又曰吼山。俗爲宋攢陵所在。諸山皆拱。此山獨否。故名曰吼。

第五章 水利

越本澤國。禹治水終於會稽。蓋地勢最爲卑下。自漢馬太守臻。築壩興湖。從八邑流來之水。俱以湖爲水庫。然上下歷代。田日增。湖日損。至今侵湖者。猶日未已。地狹人稠。固其勢也。自上年

開始陳報。丈出議起。湖中熟田。或將增科不少。諸水自溪入湖。洩於河。注於江。達於海。防其氾濫。則堤塘堰壩。時其啓閉。湖之狹獐。青田溪之上。灶若耶。河之進。江之西。小曹娥。塘之後海。壩之麻溪。岡之三江。皆其最著者。今分誌之。他若池泉井橋。與水利關係甚微。略而不述。其有關於名勝古跡者。當列在第十四章之內。

康家湖 在東鄉。

狹獐湖 在北鄉。又呼黃鱗湖。鑑湖既廢。此湖宜以蓄水。

青田湖、芝塘湖、牛頭湖、容山湖、秋湖、瓜瀝湖。均在西鄉。

李家湖、小官湖、大官湖、丁家湖、拾珠湖、鴉鳩湖、歷家湖、白潭湖、車家湖、姚家湖、范洋湖、杜

家湖、離家湖、沈家湖、橋亭湖、西湖、買家湖。均在縣之東北鄉。

又有廢湖十。曰鑑湖、曰錢家湖、曰楊家湖、曰馬安湖、曰上盈湖、曰下盈湖、曰鳳石湖、曰撞

石湖、曰確山湖、曰湘湖。

溪。則越中稱萬壑爭流。山間溪甚多。不可勝紀。而城東南之上灶溪。十八支流。平水若耶溪。七十二支流。均過龍舌（地名）會於禹陵。直達三江。沿溪之田。引以灌溉。甚獲其利。

河。則有運河橫貫全縣。而城中河道。錯若繪圖。自通衢至委巷。無不有水環之。城河自南堰門受水。流瀉於昌安門。爲城中經流。舊山會兩縣。於此分界。其東爲會稽境。其西爲山陰境。

江。則西小曹娥兩江。水勢甚洶湧。山陰舊有錢清江。會稽舊有東小江。今皆爲河。

隄塘。則北海塘（後海塘）在城北四十里。巨清風安昌兩鄉。外有值海塘。專護海塘之用。東江塘在城東四十里。東自曹娥上虞界。西抵宋家灣。與北海塘銜接。

壩。則有麻溪壩。麻溪在臨浦之東南。光復以來（民二年前）開通之。起初蕭山人恐農田受損。頗持異議。今亦安瀾無害。曹娥壩在曹娥江西岸。舊有閘。今已廢。

閘。則有三江之應宿閘。明嘉靖十六年。知府湯紹恩所建。凡二十八洞。巨堤三十餘丈。以宣洩紹蕭兩縣之水。

宜橋閘 在三江閘之東。約三里。凡三洞。

刷沙閘 在三江閘之西。約一里。凡一洞。

棟樹閘 在城北四十里。孫壘之東。凡三洞。

西湖底開 在城東七十餘里。凡三洞。

茅山岡 在麻溪壩外。明劉念臺所建。

他若山西、陡、疊、扁、拖、夾、篷、諸、閘、類、多、漲、成、沙、地、淤、廢、不、用、茲、不、贅、述、堰、則、各、處、甚、多、不、可、勝、載、大、率、用、以、蓄、水。

附明知府戴琥原定水則

種高田。水宜至中則。種中高田。水宜至中則下五寸。種底田。水宜至下則。稍上五寸亦無傷。低田秧已旺。及常時。及菜麥未收時。宜在中則下五寸。決不可令過中則也。收稻時。宜在下則上五寸。再下恐傷舟楫矣。水在中則上。各閘俱用開。至中則下五寸。只開玉山、陡、疊、扁、拖、龕、山、閘。至下則上五寸。各閘俱用閉。正二、三、四、五、八、九、十月。不用土築。餘月及久旱。用土築。其水旱非常時。月。又當臨時按視。以為開閉。不在此例也。

第六章 城址

紹興舊為府城。越范蠡所築。周圍四十里。代有修葺。城之高厚尺度。亦時有損益。光復以來。城無所用。已拆除數處。以利公路之通達。舊有城門九處。曰五雲。早門曰都泗。水門曰東郭。水門曰羅門。

紹興地志述略

早門即南門曰稽山。早門即南門曰植利。水門即南門曰常禧。水旱兩門即偏門有曰迎恩。水旱兩門即西郭有曰三江。水旱兩門即昌安有按昌安旱

門前在草貌坂後。明時移此。

第七章 衢路

城區衢路由中山公園起點。即舊府署南下為蓮花橋。又南為紫金街。為拜王橋。自蓮花橋過西。為

法院前。即舊山陰縣前。又西南為舊府城隍廟。為龍山寺。即舊稽山書院。又轉而西稍北為王公池。即龐公池。南為

常禧門。由中山公園西為太清里。東上為舊山陰城隍廟。由拜王橋西為水偏門。轉東南為鮑

郎山。後為教場。由鎮東閣東過府橋。為橫街。轉而北為軒亭口。又北為大善寺。江橋。南為清道

橋。又南下為蕙蘭橋。大雲橋。南至南堰門。由蕙蘭橋轉而西北。為新建之縣政府。舊為協鎮衙署。由大


雲橋西為塔山。前為舊山陰學。由軒亭口北轉而東。為現住之縣政府。舊為會稽縣址。又東為縣東門。

轉而南。至大坊口大街。南為貫珠樓。民衆教育館。舊會稽縣學。東為新街口。長春觀。過東雙橋。東至

五雲門。由貫珠樓南下為掠斜溪。金斗橋。由新街口折而北。為小寶祐橋。頭陀巷。大寶祐橋。由

縣政府東南為長簷街。又南為杏花寺前。為南街。南為舊府學前。又東南為羅紋坂。官齊橋。南

紹興街市圖



例圖

房橋街汽山池河城
屋橋街路車池河城
口申十

尹幼蓮製
版植野有

至稽山門。由南街過覆盆橋。爲禹跡寺。東至東郭門。縣政府後爲新橋。東爲長橋。廣甯橋。龍王塘。東至都泗門。由府橋折而南爲酒務橋。由鎮東閣折而北爲佑聖觀。東爲火珠山。火珠巷。蛾眉山。北爲倉橋。東爲水澄巷。西爲五中學。舊爲察院繞龍山後。爲鯉魚橋。西小路。又北爲北小路。中爲大路。西至西郭門。鯉魚橋西爲監獄署後。舊爲養濟院由江橋折而東。爲斜橋。過駱山。北爲昌安門。轉東南爲白馬山。彭山。東大池。爲之終點。

第八章 鄉路

西北出西郭水門。由運河西至於錢清。又由錢清之水路。西南至於臨浦。東北至於扁拖閘。達於三江口。西出常禧門。由水路西至於婁公埠。登岸。由陸路西南至於諸暨界。南出南堰門。由水路南至於秦望諸山之中。東南出稽山門。由若耶溪東南至於禹陵。又東南至於上灶。又至於平水。達於新嵒界。東出都泗門。由運河南過五雲。又東至逸門山。又東至於東關之曹娥江。又由東關南至於滬壩。東北出昌安門。由水路北至於玉山。斗門。達於三江海口。又三江之西。由湯浦塘路。西至於蕭山之龜山。其三江之東南。由王家埭之塘路。東至於備山。又東南至於曹娥壩。今東西兩端。公路築成。更于第十三章中。編列其經過之路程。

紹興地志述略

七

第九章 本縣區域之編劃

本縣自治區域計十區。而教育、警察、清鄉、區劃均相同。於第二章疆界內。已列舉其區名。茲不贅述。惟第七區原在臨浦鎮。設有紹蕭臨浦公安分局。係本縣與蕭山兩邑所兼轄。依照縣政會議之決議。與蕭山縣劃界。而治。另在該區中心地之山頭埠。設置分局。爲其警區。云。今將第一區至第十區之四圍界址。主要地名。依照自治區之編劃。列舉如左。而紹興全縣之詳細地名。有阮君縮繪一圖。由墨潤堂發行。可供參考。茲篇以限於篇幅。故從略。

自治第一區區域（即舊城區及附郭區）

東以東郭門、都泗門、沿則水牌、范家埭、寶疆、與皋埠區爲界。

北以西曹灘、浪頭湖、鮑濱、傅林、狹獠湖、與安昌及孫塹區爲界。

西以常禧門、西郭門、直穿運河、折至東浦洋港、與漓渚及山頭埠爲界。

南爲稽山門至植利門、與皋埠區爲界。

其主要地名爲城區、及附郭。自治辦事處設城區戒珠寺。

自治第二區區域（即皋埠區）

東以槍塘市、小鳳、鎖水橋與東關區爲界。

北以北山、荒嶼、烏石、大湖沿、樊江、車家弄、馬山與孫壑區爲界。

西以東曹灘、永樂、尙港、亨濱、太平橋、何仙橋、都泗、東郭、稽山附郭、俞家村、南鎮、香爐峯與城區之附郭及漓渚區爲界。

南以九缸山、石旗峯、下皋山、扇而岡、石屑嶺與湯浦及平水區爲界。

其主要地名爲皋埠、樊江、攢宮、富盛、馬山、自治辦事處設皋埠市。

自治第三區區域（即東關區）

東以百官渡、曹娥、上沙渡、拖船壩、清水岡橋、寺林山與上虞縣爲界。

西以梅山、販裏顧、屯頭、白塔汛、涇口、後石、義橋、胡家埠、九井山、槍塘市、松門、佛臍山與皋埠及孫壑區爲界。

南以銅牛山、眠牛山與湯浦區爲界。

其主要地名爲東關、曹娥、道墟、槍塘、自治辦事處設東關中山紀念廳。

自治第四區區域（即湯浦區）

東以虎山、龜山、曹娥江、小江口、左婆嶺、湖東山、石隴山、飛鳳山、界橋、俞公山、方邱橋與上虞縣爲界。

北以眠牛山、南湖、王垚灣山、盤岡與皋埠及東關區爲界。

西以長峙山、宛山、椅山、閣儿山與平水區爲界。

南以牛山、木橋、長橋、廟後山、界橋、六谷岡、西嶼山、普濟橋、惠山與嵊縣爲界。

其主要地名爲湯浦、官陽、宋家店、八鄒、達郭、自治辦事處設湯浦塔山下祇樹庵。

自治第五區區域（即平水區）

東以惠山、閣儿山、宛山、王垚灣山與湯浦區爲界。

北以扇面岡、白鹿峰、下皋山、石旗峯、香爐峯與皋埠區爲界。

西北以謝墅、胡家塔、苗山頭、後嶺山、法華山、陳家村、蘭墩岡、花塢嶺與漓渚區爲界。

西以皂莢嶺、龍潭岡、駐日嶺、烏尖、稱幹山、陸家尖與諸暨縣爲界。

西南以劉家塢、山界、址嶺、湖池山與嵊縣爲界。

南以王城市界橋、陸峯岡、巖石嶺、棗樹灣山與嵊縣爲界。

其主要地名爲平水、上灶、黃壇、青壇、王城、橫溪、叉路口、同康、堯郭。自治辦事處設平水隆德寺。

自治第六區區域（即瀉渚區）

東南以謝墅、胡家塔、苗山頭、後嶺山、妃子嶺、陳家村、蘭墩岡與平水區爲界。
西南以萬蘿山、大塢山、通天岡、苦竹嶺、雙尖峯、安山、古博嶺、花塢嶺與諸暨縣爲界。
西北以米家塢、毛婆溪、徐家嶺、陡武尖、牛頭山、項里、仁讓堰、尊義橋與柯橋區爲界。
東以香爐峯、南鎮、雙牌樓、俞家舍、植利門外與皋埠區爲界。
東北以龜山、外山、常禧、西郭門外、青田湖、東魯墟與城區之附郭爲界。
其主要地名爲瀉渚、南地、謝家橋、魯墟、清水閣。自治辦事處設瀉渚白鶴巷。

自治第七區區域（即山頭埠區）

東以中水嶺、小翔牛山、井山、兔絲山、暗尖山、東山下、大尖山與柯橋區爲界。
北以盛家嶺、金鷄山亦與柯橋區爲界。
西以西小江、浦陽江與蕭山縣爲界。

紹興地志述略

南以金露浦、大尖山、上砂尖與諸暨縣爲界。

其主要地名爲臨浦、所前、山頭埠。自治辦事處設山頭埠。（最近改設清鄉分局）

自治第八區區域（即柯橋區）

東以尊義橋、東浦市、新橋、楊港與城區之附郭爲界。

東南以仁讓堰橋、項里、陡武尖、徐家嶺、毛婆溪、朱家塢與瀉渚區爲界。

西南以石竹山、螺螄山、甘嶺山、葉家山與諸暨縣爲界。

西以巧溪嶺、小銅井山、兔絲山、東山下、大尖山、盛家灣、上畝與山頭埠區爲界。

東北以萬福橋、後龜橋、瓜瀆湖沿、桑濱、管墅、蓮花橋、小阪蕩與安昌區爲界。

北及西北以西小江與蕭山縣爲界。

其主要地名爲柯橋、型塘、夏履橋、江墅、南錢清。自治辦事處設柯橋鎮。又本區內舊天樂

鄉地方劃入清鄉分局範圍。

自治第九區區域（即安昌區）

東以南大甕、宣港、沙畝與上虞縣爲界。

東南以丁墟、陶家埭、王家埭與孫壑區爲界。

南以廣濟橋、傅林、斜港、狹條湖與城區之附郭爲界。

西南以小販、蕩管墅、桑濱、後龜橋、萬福橋與柯橋區爲界。

西北以小中壑、太平橋、東橋、三祇庵、沙畝、西小江與蕭山縣爲界。

其主要地名爲陡壑、下方橋、馬鞍、黨山、楊川、三江、自治辦事處設下方橋。

自治第十區區域（即孫壑區）

東以鎖水橋、保駕山、棟塘橋、潭口、白塔汛、湯家灣、屯頭、販裏、顧寒、浜、備山與東關區爲界。
西南以漁港、賞家村、榆林、車家弄、諸家埭、毓秀橋、藕蕩頭、過龍山、烏山、荒坑、鎖水橋與皋

埠區爲界。

西以王家埭、楊樹灘、浪頭湖、破塘與城區之附郭及安昌區爲界。

北以邵家、安甯橋、前邵、纂風市、瀝海所城外、姚家埠、宣港與上虞縣爲界。

其主要地名爲孫壑、嘯吟、陶堰、鯉浦、王府莊、自治辦事處設孫壑上亭公園。

第十章 鎮里鄉村之參考

市集村落坊里鄉鎮名稱屢易，莫能詳舉，大別之，人數在一萬以上者爲之鎮，人數在一萬以下五千以上者爲之鄉，村則小於鄉，而坐落更小於村。若市與坊均爲舊有之名稱，集則北地有其名而未聞於吾紹，里則由宋代始，而復稱於近時。今則里名又大都改爲鎮名矣。上年城紳莊王孫謝諸先生曾有紹興縣第一區村里籌備會市集村落固有事項調查及編制村里報告一書，由紹興印刷局印行，對於城區及附郭坊里名稱，四至境界，極其精詳，可供參考。至於其他鄉區編制，尙未見相當之書本，參考頗感不易也。

附清康熙五十八年紹興府志所載坊與都圖名稱以誌沿革。

府城內四隅：西二隅隸山陰，東二隅隸會稽，西南隅領坊九，曰大辛，曰大雲，曰東觀，曰紫金，曰下植利，曰上植利，曰美政，曰常禧，曰南和豐，西北隅領坊十四，曰西光相，曰迎恩，曰戒珠，曰東中正，曰筆飛，曰西中正，曰東光相，曰東如砥，曰朝京，曰下和豐，曰昌安，曰萬安，曰西如砥，曰承恩，東南隅領坊八，曰上望花，曰中望花，曰下望花，曰東陶家，曰西陶家，曰朝東，曰稽山，曰東仰盆，東北隅領坊八，曰安甯，曰西府東，曰永昌，曰東府東，曰都泗，曰石童，曰東大德政，曰西大德政。

山陰縣城外四十八都各領圖不一。第一都領圖五。第四都領圖九。第五都領圖六。第六都領圖二。第二都領圖七。第三都領圖二。第七都領圖三。第八都第九都俱領圖二。第十都領圖六。第十一都領圖二。第十二都領圖三。第十三都領圖十。第十四都領圖四。第十五都領圖五。第十六都領圖三。第十七都領圖七。第十八都領圖六。第十九都第二十都俱領圖四。第二十一都領圖三。第二十二都領圖四。第二十三都領圖二。第二十四都領圖一。第二十五都領圖七。第二十六都領圖三。第二十七都領圖六。第二十八都第二十九都第三十都俱領圖二。第三十一都領圖二。第三十二都領圖一。第三十三都領圖八。第三十四都領圖七。第三十五都領圖二。第三十六都領圖三。鎮都領圖二。第三十七都領圖三。第三十八都領圖四。第三十九都領圖三。第四十都領圖三。第四十一都領圖二。第四十二都領圖三。第四十三都領圖四。第四十四都領圖五。第四十五都領圖三。第四十六都領圖五。第四十七都領圖九。編戶兼城內共二百一十一里。會稽縣城外三十一都各領圖不一。第一都領圖二。第二都領圖五。第二十都領圖二。第二三都領圖一。第四都領圖六。第五都領圖四。第十九都領圖七。第六都領圖六。第七都領

圖五。第八都領圖三。第十都領圖二。第十七都領圖二。第九都領圖五。第十八都領圖七。第十一都領圖三。第十二都領圖六。第十三都領圖四。第十四都領圖四。第十五都領圖二。第十六都領圖三。第二十一都領圖四。第二十二都領圖五。第二十三都領圖二。第二十四都領圖三。第二十八都領圖二。第二十九都領圖二。第二十七都領圖二。第三十都第三十一都第三十二都俱領圖一。第二十三都領圖二。編戶兼城內共一百二十里。

第十一章 四鄉水陸要道

柯橋 西去城二十五里。水汙漫。多支流。陂深堰曲。爲西路來往要道。

三江關 北去城三十里。紹蕭兩縣賴此蓄水。宜防守。就近舊有城址。今已廢。

古博嶺 西南去城四十五里。與諸暨楓橋接壤。防禦山間寇盜。均宜此地駐守。頗爲險要。

抱姑堰 西去城五十二里。上連鑑湖。下接小江。爲水流要道。

曹娥埭 東去城九十二里。(公路計算八十里)江水湍急。隔斷兩岸。逼江而營。利守不利戰。

灑海所城 在曹娥江之東北。與上虞連界。民國十八年間改劃界址東與上虞連界昔以悍衛海疆。今亦無所用矣。

石堰 東去城三里。爲諸水之會。可以駐兵。